

შინაური საქმეები.

№ 22.

შასი ერთი შაური

წლიური შასი 4 მან.

წელიწადი მეხუთე.

შოველ-კვირული გაზეთი

კვირა, 10 ივნისი 1912 წელი

ყოველ-კვირული გაზეთი

შინური საქმეები

საბუღალო № 17). და თბილისში გამოცემულთან სომხის პაწაწის, სომხის წიგნის შუის მადგაფაში. გამოცე ყოველ თვეში ოთხი ნომერი.

გაზეთის შასი:

წლიური ფასი:	სხ. წლით:	სამი თვით:	ერთი თვით:
4 მანეთი.	2 მანეთი.	1 მანეთი.	2 აბაზი.

ცალკე ნომერი ქუთაისში ერთი შაური.

ფულს შოველ-კვირული საქმეების გამოცემის მიზნით, თბილისში და 1 ივნისი მ. განცხადების ფასი წინა გვერდზე პეტრით სტრიქონი ორი შაური, უკანასკნელზე 7 კ. ადრესი: ქუთაისი: „შინაური საქმეების“ რედაქცია.

შინაური: 1. სიტყვა ყოველდღეული ებ. გიორგისა; 2. მადლობელი ვართ—„შინ. საქ.“ რედაქციისა; 3. ი. გოგებაშვილის ხსოვნას (ლექსი) რ. საჯავახოვლისა; 4. ი. გოგებაშვილის ანდერძი; 5. მოვალენი ვართ თუ არა ეკლესიაში ვიარაოთ?—ხელისა; 6. საკითხი სულის უცვლადობაზე—ფ. სიძესი; 7. კვირილამკვირამდე; 8. კრიტიკა—ხომლელისა; 9. საქართველოს ექსარხოსის მოგზაურობა—დოროსხვევლისა და ქართველი ოსებში ნამყოფისა; 10. ყოველდღეული ლეონიდის მოგზაურობა სამეგრელოს ეკლესიების დასათვალიერებლად—წ.სა.

სიტყვა

ყოველდღეული იმერეთის ენისკაზოსის გიორგისა, თქმული იაკობ სიმონის-ძის გოგებაშვილის სულის მისახსენებელ ზანაშვილსე 3 ივნისის ქუთაისის საკათედრო სობოროში.

გაზეთებმა მოგვიტანეს, პატივცემულნი მსმენელნი, გულის დამთუთქველი ამბავი: გუშინწინ საღამოზე, მძიმე ავითმყოფობის შემდეგ, გარდაიცვალა ჩვენი სამშობლოს სასიქადულო პედაგოგი და საზოგადო მოღვაწე, იაკობ სვიმონისძე გოგებაშვილი. ამ პოლო წლებში, თითქო განვებ აჩქარებით მიეშურებოდნ ჩვენგან წინაპართა წინაშე წარსადგომათ უკეთესი მა-

მულიშვილნი, მიდიან თითქო საჩივლელად, რომ ჩვენში პატიოსანს, ქვეყნისთვის თავდადებულ მოღვაწეს აღარ ეცხოვრება. მართლაც, ახლად გარდაცვალებულ იაკობს ბევრი რამ აქვს საჩივლო, როგორც თავის გაუტანელ მოძმეებზე, ისე გარეშეებზე...

ტფილისის სემინარიის შესრულების შემდეგ, იაკობი, როგორც უნიჭიერესი მოწაფე, გაგზავნეს აკადემიაში, სადაც კარგი სწავლისთვის იქაურმა მკაცრმა ბუნებამ დააჯილდოვა ქლეკით. სამშობლოში დაბრუნების შემდეგ, იგი შევიდა ტფილისის სასულიერო სასწავლებელში მასწავლებლათ. სამსახურის პირველი ნაბიჯიდანვე მის სხეულის ავთიმყოფობას ზედ ერთობა სულიერი ტანჯვა. რა აუტანელ გენიაში იგი ჩაადგეს მისმავე ქართველმა თანამოსამსახურებმა, ეს თვითონ მასვე აქვს აწერილი ჟურნალ „განათლების“ ერთ-ერთ შარშანდელ ნომერში. ამიტომ ყველასფერს აქ არ გავიმეორებ. მხოლოდ ვიტყვი, რომ მტრებმა იგი სასოწარკვეთილებამდინ მიიყვანეს და თავი მოაწამლინეს, მაგრამ განგებამ იგი უვნებლათ შეუნახა ბედკრულ სამშობლოს.

ბევრს თქვენგანს კარგათ მოეხსენება, როგორი აღფრთოვანების დრო იყო მთელ რუსეთში წარსული საუკუნის სამოციანი წლები. იმ დროის ტფილისის ინტელიგენცია არ ჩამოუვარდებოდა რუსეთის დიდი ქალაქების ინტელიგენციას. მგონია არ შევეცთები, თუ ვიტყვი, რომ პირველი ადგილი ეჭირა ქართველებს. აქ იყვნენ იმ დროის ჩვენი ინტელიგენციის მამებიც და შეილებიც. ახალ თაობაში ერთი უპირველესი ადგილი ეჭირა გოგებაშვილს. მას, როგორც პედაგოგს, არ ყავდა ჩვენში ბადალი, ასეთივე დარჩა იგი სიკვდილამდისინ. რომელი ქართველი არ იცნობს გოგებაშვილს, როგორც პედაგოგს. ღირსეულად მისი დაფასება ჯერ არ შეიძლება, დააფასებს პირუთენელი ისტორია. მე, როგორც მისი ნამოწაფარი, თამამათ ვიტყვი, რომ იგი თავის პედაგოგიურ პრაქტიკაში, შორს უფრო მალე იდგა, ვიდრე ეს სჩანს მის პედაგოგიურ ნაწერებშიდან. მისი ზნეობრივი გავლენა უძლეველი იყო არა თუ მოსწავლე-

თათვის, არამედ მის ტოლ-ამხანაგებისათვისაც. ბევრს, ვინც მას კარგად ვერ იცნობდა, იგი ამაყად ეჩვენებოდა, მაგრამ ის ამაყი არ იყო. ბევრს ამაყობად ეჩვენებოდა მისი ხანდისხან მიუყარებლობა. მართალია იგი მიუყარებელი იყო, მაგრამ მხოლოდ მლიქნელთა, ფარისეველთა და ყველა ზნედაცემულთათვის. ამისთანა ხალხი ეზიზღებოდა. უცაბედათ თუ წინ შეხედებოდა რომელსამე ამათგანს, უთუოდ ან გზას გადაუხვევდა და ან ზურგს შეაქცევდა. ასევე ექცეოდა თავის უღირს უფროსებსა და ბრძანებლებსაც, ვიდრე სამსახურში იყო. აქი მალეც გამოირიცხეს სამსახურიდან ეგრედწოდებული კანონის მესამე მუხლით, ესე იგი მოუსპეს უფლება, რომ სახელმწიფო სამსახურში შესულიყო. მაგრამ როგორც იტყვიან, არ არის ბოროტება, რომელშიაც სიკეთეც არ ერიოს. გოგებაშვილმა ამ დროიდან თავისი ძალღონე მთლად შესწირა მოზარდ თაობის გონებრულათ აღზრდა-განვითარების საქმეს, რომ ერი დაეხსნა მომავალში გადაშენების და გადაგვარების გზიდან. შედეგი მისი მოღვაწეობისა ბრმათათვისაც დასანახია. როგორცა ვსთქვით, იაკობი იყო პირუთენელი, გამბედავი მხილველი, უანგარო და ზნეობით სპეტაკი. მის ცხოვრებაში სიტყვა და საქმე განუყრედები იყვნენ. სხვისაგანაც ამას თხოულობდა. მისთვის რომ, შესახებ რომელიმე საქმისა, კომპრომისზე ლაპარაკი დაგეწყოთ, არ მოგისმენდათ და გაგშორდებოდათ, გაგებუტებოდათ. მაგრამ ცხოვრების ბრუნვამ ასეთი თითქო მისი ჯიუტობა ცოტა არ იყოს მოსტება. ხანგრძლივი ბრძოლის შემდეგ, იგი დარწმუნდა, რომ მოღვაწე ხანდისხან ან სულ უნდა გაჩუმდეს, რაც მისი ბუნებისთვის შეუძლებელი იყო, და ან ოპორტიუნისა მიმართოს. ეს იყო მიზეზი, რომ ზოგმა უსამართლოთ დასწამა მას პიროვნული ეგოისტური მიმართულება. ამ ნაირი შეხედულობა ქვეყნისათვის თავდადებული მამულიშვილის ორმოც და ათის წლის მოღვაწეობაზედ დიდი და მომაკდინებელი ცოდვა იქნება. თვითონ იაკობი თავის ღვაწლს უნაკლულოთ არ სთელიდა, რადგან მისდა დამოუკიდებელ

მიზეზებისა გამო სავსებით ვერ ახორციელებდა სალი პედაგოგის პრინციპებს, რასაც თითონ პირადად ალიარებდა და განმარტავდა სიფრთხილის საჭიროებით. გმირულ გამბედაობასთან და შეუდრეკელ ხასიათთან შესისხლხორცებული ჰქონდა განსვენებულს გონივრული და წინდახედული სიფრთხილე. საოცარი სიფრთხილით მან შეინახა სამოცდა თორმეტ წლამდინ თავისი, ჯეილობაშივე დაზიანებული, ჯანი. ბევრჯელ უთქვამს წინდაუხედავ მასხრობაზე: ასე რომ არ გაფრთხილებოდი თავს, აქნობამდისინ ჩემი ძვლებიც აღარ იქნებოდაო. დიახ, უფრთხილდებოდა ჯანს, სურდა ხანგრძლივი სიცოცხლე, მაგრამ თავისთვის კი არა, არამედ როგორც საშვალეობა სამშობლოს სამსახურისთვის. აგრეთვე ფრთხილი იყო იგი თავის საზოგადო მოღვაწეობაშიაც, რადგან კარგათ იცოდა, რომ ათასი მხრიდგან კბილებს უკრაქუნებდნენ. გულად და შეუპოვარ თავის ხასიათს იგი თავისივე ნების ძალით აყენებდა ხანდისხან სიფრთხილის ფარგალში. ამითი აიხსნება მისი ლიტერატურული მოღვაწეობის ზოგიერთი ნაკლი. სიფრთხილე, ეს ერთგვარი ოპორტიუნისმი, სტანჯავდა და სულს უხუთავდა, მაგრამ ნათლად ხედავდა, რომ წინდაუხედავი მამაცობით ქვეყანას ავნებდა. ამ რწმენით ჩავიდა იგი საფლავში.

შევევედრნეთ, პატივცემულნო მსმენელნო, უფალსა ღმერთსა, რათა სააქაოს სულით და ხორციით ტანჯულს დიდებულ მამულიშვილს, საიქიოს მიანიჭოს შვება და ლხენა და მის საყვარელ სამშობლოს არ მოაკლოს მისებრივი შვილები.



მადლობელი ვართ!

დაუვიწყარო მოზარდ თაობის აღმზრდელი და საქართველოს მოამაგე და მოჭირნახულე მოღვაწე იაკობ სიმონისძევე! ესტირით და ვგლოვთ შენს დაკარგვას არა იმიტომ, რომ შენისთანა მოამაგე აღარ გამოგვიჩნდება—ასე-

თი სასოწარკვეთილება შენი ნათელი პიროვნების შეურაცხება იქნება, რადგან დაუჯერებელია, რომ შენისთანა აღმზრდელს შესაფერი მემკვიდრე არ დარჩეს აღზრდილთა შორის, და თვით შენი გამოჩენა საქართველოში განათავდები არ არის იმისა, რომ ქართველ ერს შეუძლია წარმოშვას შენისთანა გმირები? არა, ჩვენი გლოვა—ტირილი არ არის სასოწარკვეთილების შედეგი. იგი ნაყოფია ჩვენი შენდამი სიყვარულისა, ფასდაუდებლო აღმზრდელი, იგი ნიშანია იმისა, რომ ჩვენ ვაფასებთ შენ მოღვაწეობას, შენ შრომას, შენ ამაგს; ჩვენ გული გვწყდება, რომ ვეღარ გიხილავთ ხორციელად, ვეღარ დავსტკებთ შენი ტკბილი მუსაიფით; ჩვენ, მორწმუნე ნაწილი შენგან აღზრდილ თაობსა, დარწმუნებული ვართ, რომ შენი მოღვაწეობა საქართველოსათვის არ დასრულებულა შენი მიცვალებით, რომ შენი ნათელი სული სხვა ქართველთა ნათელ სულებთან ერთად დარაჯად დაუდგება ღვთის წინაშე საქართველოს კეთილდღეობას; ჩვენ გვრწამს, რომ ის სიყვარული და ერთგულება სამშობლოსი იქაც ისე დავატკობს, როგორც აქ ვატკობდა! მაშ რალა დავგოჩენია მის მეტი, რომ დიდი ძალიან დიდი ქართველური მადლობა არ გითხრათ! გამადლობთ ჩვენი აღზრდისათვის, გამადლობთ ღვთა ენის აღდგენისა და დაცვისათვის, გამადლობთ შენი ტკბილი, მომხიბლავი ნაწერებისათვის, გამადლობთ შენი უხვი შეწირულებისათვის, დიდი მადლობელი ვართ, რომ ყოველივე ტანჯვისა და იწროების მიუხედავად შენ შენი ძლიერი ნიჭი არ დაუმარხე ტანჯულ მამულს. გამადლობთ და ვეცდებით დავიმტკიცოთ, რომ ჩვენ შენი ღირსეული მოწაფეები ვართ.

რედაქცია

იაკობ გოგებაშვილის სლოჟანს.

ქართველთა სასიკაღლო და მოდარაჯე ენისა, უებრო მამულიშვილი, მოყვარე თვისი ერისა,

მუშაკი დაულაღვი,
ერთგული განათლებისა,
ერის სიმდიდრე, მიზეზი
სამშობლოს აყვავებისა,

დიღუბევე, მიიღე იგი
წინაპართ შორის, ვით თვისი,
საფლავი განსასვენებლათ
აქ მოიმზადა მან მისი!

ზეცას მიიღტვის, რომ წარსდგეს
წინაპართ შორის პირნათლათ,
ხორციით მაშვრალი, იქ სულით
შეგებას მიიღებს სამართლათ.

მამულის ერთგულო შვილო,
სამშობლო გგლოვობს მწარეთა,
სახელმძღვანელო წიგნები
ცრემლებს ღვრის, მგლოვიარეთა....

მისი წიგნებით აღზრდილნო,
შევეძღნათ მას სამადლობელი....
და საუკუნო ხსენება
ექნეს მას გაუქრობელი.

რ. საჯავახელი.

6 აენისი 1912-წ.

იაკობ გოგებაშვილის ანდერძი

განსვენებულმა იაკობ გოგებაშვილმა თავისი ქონება გაანაწილა ამნაირად: 1) ყველა წიგნები და სახელმძღვანელოები შესწირა ქართველთა შორის წერა კითხვის გამავრცელებელ საზოგადოებას; ამავე საზოგადოებას შესწირა მიწა, ზომით 260 საეენი, ვერაზე.

ანდერძით ამ გამოცემებიდან შემოსულ ფულის მოგებით უნდა დაარსდეს განსვენებულის სამშობლო სოფელ ვარიანში სამაგალითო სახალხო სკოლა. გარდა ამისა ამავე წიგნების შემოსავლიდან უნდა ეძლიოს დახმარება სხვა და სხვა კერძო პირთ. უნდა მიეცეს დახმარება 1) ეკატერინე გაბაშვილის ქალითა პროფესიო-

ნალურ სასწავლებელს 12 თუმანი წელიწადში, 2) საზოგადოება „განათლება“-ს 12 თუმანი წელიწადში, 3) ქართულ საბავშვო ბაღსაც 12 თუმანი წელიწადში. განსვენებულის რუსული-სა და ქართულ წიგნების თითო გაყიდულ ეკვემპლიარიდან უნდა გადაიღოს არა ნაკლებ ერთი კაპეკისა სახალხო განათლების ფონდის შესადგენად. ამ ფონდის სარგებლით უნდა დაენიშნოს სტიპენდიები განსაკუთრებით სახალხო სკოლებიდან გამოსულ მოსწავლეთ. ამ ფონდის სასარგებლოდ უნდა გაიყიდოს ვერის მიწაც. ამავე ფონდს უნდა მოხმარდეს ნახევარი იმ ნაღდი ფულისა, რომელიც დარჩა განსვენებულს. სარგებლის დახარჯვა საზოგადოებას შეეძლება მხოლოდ მაშინ, როდესაც ფონდი ათი ათას მანეთამდე გაიზრდება.

გარდა ამისა წიგნების შემოსავლიდან წერა-კითხვის საზოგადოებამ უნდა აძლიოს ყოველწლიური სუბსიდია ჟურნალ „განათლება“-ს, არა ნაკლებ სამასი მანეთისა წელიწადში. საზოგადოებამ უნდა აძლიოს აკაკი წერეთელს ათ-ათი თუმანი წელიწადში ჰონორარად იმ ლექსებისა, რომელნიც მოთავსებულია გოგებაშვილის სახელმძღვანელოებში.

ფულად განსვენებულმა იაკობ სვიმონის ძემ დასტოვა დაახლოვებით 13 ათასი მანეთი. ეს თანხა ანდერძით ამნაირათ არის განაწილებული: 1) დასამარხად და ძეგლისთვის უნდა გადაიღოს არა უმეტესი სამი ათას მანეთისა; 2) ერთი ბილეთი უნდა მიეცეს წერა-კითხვის გამავრცელებ. სახალხო განათლების თანხის შესადგენათ; 3) მეორე — ბილეთი სალიტერატურო ფონდს; 4) მესამე ქართული დრამატიულ საზოგადოებას; 5) მეოთხე — ისტორიისა და ეთნოგრაფიის საზოგადოებას; 6) მეხუთე — ჟურნალ „განათლება“-ს 6) მეექვსე — ტფილისის სახალხო უნივერსიტეტს. ყველა ეს ბილეთები უსათუოდ დაზღვეული უნდა იყოს და, ტირაქის გმოსვლის შემდეგ, უნდა შეიძინონ ახალი.

ტფილისის საადგილ-მამულო ბანკის ყველა გირავნობის ფურცლები შესწირა წერა-კით-

ხვის საზოგადოებას სახალხო განმანათლებელ ფონდისთვის.

ამას გარდა, ზოგი რამ განსვენებულმა იაკობ სვიმონის ძემ დაუტოვა თავის ნათესავეებს.

მომდევარი.

მოვალენი ვართ თუ არა ეკლესიაში ვიარათ?

როცა რომელიმე საღვთო-სარწმუნოებრივ საგანზე ვსჯით, როცა რომელიმე რელიგიურ საკითხს ვარჩევთ, როგორც არის მაგ. ზემო აღნიშნული საკითხი: მოვალენი ვართ თუ არა ეკლესიაში ვიარათ, ე. ი. საზოგადო ღვთისმსახურებას დავესწროთ, — საქირია თვალწინ დავიყენოთ ქრისტე, როგორც მაგალითი, როგორც პირველსახე ჩვენი ზნეობრივი მოქმედებისა, როგორც სარკე, რომელიც გვიჩვენებს ჩვენი მოქმედების კეთილ მხარეს და მაშასადამე ბოროტსაც, როგორც კეთილის წინააღმდეგს. ასე უნდა იქცეოდეს ქრისტიანე ყოველ სარწმუნოება-ზნეობრივ საკითხების გადაწყვეტის დროს მიტომ, რომ იესო იქრისტე თვით განხორციელებული ზნეობაა, რომელშიდაც არ იპოება ცოდვის აჩრდილიც, იგი ქეშმარიტებაა და ყოველივე ქეშმარიტებას ამტკიცებს თავის თავით, თავის სწავლით ცხოვრებით, მოქმედებით. თუ გინდა უცთომელი იქნე რომელიმე მოქმედებაში შეეკითხე შენ თავს, როგორ მოიქცეოდა ქრისტე იმ მდგომარეობაში, რომელშიდაც შენ ხარ; თუ გნებავს არ შეცდე რომელიმე ზნეობრივ საკითხის გადაწყვეტაში, დაეკითხე შენ თავს, როგორ პასუხს გასცემდა ამ საკითხს ქრისტე მაცხოვარი? — ასე მოვიქცეთ ამ საკითხშიაც: მოვალენი ვართ თუ არა ვიარებოდეთ ეკლესიაში ღვთის მსახურების დროს? ვკითხოთ მაცხოვარს, როგორ უპასუხებს იგი ამ საკითხზე. იგი ჯერ კიდევ ყრმა იყო, ცამეტი წლის იყო, როცა ერთხელ ურიათა შესაკრებელში (სამლოცველოში) დარჩა და როცა დედამ უსაყვე-

ლურა ასეთი საქციელი, მან უპასუხა: „არა უწყითა, რამეთუ სახლსა მამისა ჩემისასა ჯერ არს ჩემი ყოფა“? მეორეთ, დაიწყო თუ არა საზოგადო მსახურება, მან განსწმიდა ტაძარი მოვაქრეთავან, რომლებსაც სჯულის წინააღმდეგ ღვთის სახლი საეპრო სახლად გადაექციათ, და უთხრა მათ: „აღიღეთ ესე აქედან და სახლსა მამისა ჩემისასა ნუ ჰყოფთ სახლ საეპრო“! თვით გადაიხადა საეკლესიო გადასახადი და მოეწონა ღარიბ ქვრივის საქციელი, როცა მან გულსავეთ შესწირა ტაძარს ერთი წვლილი. აქედგან ცხადათ სჩანს თუ რა პატივით ეპყრობოდა მაცხოვარი ტაძარს. იგი უწოდებს მას ღვთის სახლად, სალოცველ სახლად და მისი სიწმიდის შეგინებათ მიაჩნია შიგ ვაჭრობა და ყოველი მოქმედება გარეშე ლოცვისა და ღვთისმსახურებისა.. თვით მას ერთი დღესასწაულიც არ გაუშვია, რომ იერუსალიმის ტაძარში არ მოსულიყოს და საზოგადო მსახურება არ შეესრულებიოს.

უკანასკნელადაც კი, როცა იგი საენებელად მივიდა ირეუსალამში, უკანასკნელადაც კი შეასრულა ხორციელი მოვალეობა და საღვთო ჩვეულება თავის ხალხისა, ე. ი. აღვიდა იერუსალამში, რათა აღასრულოს პასქა. რამდენად წმიდად მიაჩნდა და უყვარდა მას ტაძარი, ამას ნათლად გავითვალისწინებთ უფრო მაშინ, თუ წარმოვიდგენთ, რომ ამ ტაძარში, მსახურებდენ ის მღვდელმთავრები და მღვდლები, რომლებსაც ყოველ ფეხის გადადგმაზე ამხილებდა, აქ მსახურებდენ სწორეთ ის ანნა და კაიაფა მღვდელმთავრები, რომლებიც დაუძინებელი მტრები იყენენ იესოსი, რომლებმაც დამოკიდეს იგი ჯვარზე, რომლებმაც ასვეს მას ნაღველი ძმარითა განზავებული, რომლებმაც უგმირეს გვერდსა მისსა. მაგრამ, მიუხედავად იმისა, რომ ტაძარი საესე იყო მისი მტრებით, მას მაინც უყვარდა იგი, მაინც დაიარებოდა იქ, მაინც ესწრებოდა საზოგადო ღვთისმსახურებას, თუმცა, ვიმეორებთ, ამ ღვთისმსახურებას ასრულებდენ მისი მოსისხარი მტრები, თუმცა ყოველ მის მოსვლასე იერუსალიმში, მღვდელმთავრები განკარგულებას იძლეოდენ, მის შესაპყრობად.

თუ იესოს ასე უყვარდა და მიჰდა ტაძარი, თუ იგი ღმერთი და კაცი საჭიროდ რაცხდა იქ სიარულს საზოგადო ღვთის მსახურებაში მონაწილეობის მიღებას, თუ მას მტრების ბოროტი განძრახვაც კი ვერ აკავებდა, ვერ უშლიდა ტაძარში სიარულს, რა უფლება გვაქვს ჩვენ, რომელნიც ღმერთი არა ვართ „ხამლთა მისთა განხსნად“, რა უფლება გვაქვს ჩვენ, გეკითხებით, უარყვით ტაძარი, როგორც განსაკუთრებული შენობა საზოგადო ღვთის მსახურებისათვის, რა უფლება გვაქვს დავაკლდეთ საზოგადო ღვთისმსახურებას, რა უფლება გვაქვს ყოველ დაწესებულ დროს არ ვიარებოდეთ ეკლესიაში, რა უფლება გვაქვს გაურბოდეთ საზოგადო ღვთისმსახურების შესრულებას, რა უფლება გვაქვს მოვიძულათ ის, რაც უყვარდა ჩვენ მხსნელს, ჩვენ მაცხოვარს, რის სიწმიდესაც ასე თავგამოდებით იცავდა იგი?

ღმრთადღებულ ნასწავლებს, რომ კითხო, ტაძრები თეატრებად უნდა გადაიქმნას და სამღვთო მსახურება, როგორც დრომოქმული ჩვეულება, როგორც ველურობიდან შემორჩენილი ცრუ მორწმუნობა, სრულიად მოისპოს; ტაძარში სიარული დროს დაკარგვას, ამბობენ იგინი, ტაძარი და საღვთო მსახურება მღვდლების მოგონილი მანქანებაა გულუბრყვილო მორწმუნეთა საგლეჯათო. ვის დაუჯეროთ? მას ვინც სისხლით, ჯვარცმითი სიკვდილით აღებუქდა თავის სიტყვების და მოქმედების სინამდვილე და სარგებლობა, თუ მათ, რომელთაც სიკვდილის და წამების შიშით მახმადსაც კი ალოკვინებ, მას ვინც მკვდრებით აღდგომით დაამტკიცა თავის მოძღვრების სინამდვილე, თუ მათ რომელთა სიტყვა ქარია და რწმენა— ადვილად მისახრებლად მოსახრებელი ლელწამი? რომელ მოძღვრებას მივუხრით, მას რომლის მსგავსი არ შეუქმნია ჯერ კაცობრიობას და ვერც შექმნის, თუ მას, რომელიც ყოველ დღე იცვლება, ყოველ დღე მტყუნდება და სულ ახალ ახალ კვლავ გასამტყუნებელ ქვეშაობებებს იძლევა; მას, რომელმაც მოხიბლა და მიიხზრო მთელი საუკეთესო ნაწილი კაცობრიობისა, თუ მას რომლის დამცველი და მიმდევარი არიან გონე-

ბა დამახინჯებული ერთეული; მას, რომელმაც დაბადა ზნეობის გმირები, კაცობრიობის მანათობელი ლამპარნი—წმიდანი მამანი და მორწმუნე მეცნიერნი, თუ მას, რომელმაც წარმოშვა ჯოჯოხეთური ზნე-დაცემულება?

„ხე ნაყოფისაგან იცნობებისაო“ ბრძანა თვით ქვეშაობებამ და თუ გნებავს გაიგოთ, რა ნაყოფს იძლევიან ისინი, ვინც ტაძარს და საზოგადო მსახურებას უარყოფენ, შეიხედეთ მათ სახლებში, შეიხედეთ კლუბებში, თეატრებში. რას ნახავთ? დენო, ბანქო. რბილი სარეცელი; არა ვითარ საზოგადო მოღვაწეობას არ წვეიან, არავითარ სიკეთეს არ სთესენ იგინი იმ დროს, როცა ზარის ხმა უწოდებს მათ საზოგადო მსახურებისათვის. თეატრი, ეს ვითომდა გონება-ზნეობის განმავითარებელი საერო დაწესებულება, ეს თანამედროვე კერპიც კი აინტერესებს მათ, როგორც გასართობი, დროს გამტარებელი, მოწყენილობის გამქარებელი რამ. განა შეიძლება ასეთი მოძღვრების ნდობა, განა შეიძლება, განა ხელსაყრელია მათი მაგალითის მიბაძვა?

ამბობენ, ღმერთი ყველგან არის და, სადაც ილოცავ, სულ ერთიაო. დიხ ღმერთი ყველგან არის, მაგრამ აღამიანი კი ყველგან არ ლოცულობს. ვინც ეკლესიაზე არ დაიარება წირვა-ლოცვაზე, იგი არც სახლში ლოცულობს, თუ ლოცვით არ ჩაუთვლით, როცა უცაბედურათ პირჯვარს გამოისახავს. ვისაც ლოცვა უყვარს, ის ეკლესიაშიდაც მოვა თავის დროზე. მიუხედავად იმისა, რომ ქრისტე ხშირათ, თითქმის ყოველ დღე, განმარტობით ლოცულობდა, იგი საზოგადო მსახურებასაც არ აკლდებოდა. მოციქულები იერუსალიმის ტაძარშიც ესწრებოდნენ საზოგადო მსახურებას და კერძო სახლებშიც იკრიბებოდნენ კვირა დღეს საიდუმლო ზიარების შესასრულებლად. განა ეს საკმარისი მაგალითი არ არის, რომ კერძო ლოცვაც საჭიროა და საზოგადოც? სტყუიან და მხოლოდ თავს იმართლებენ ის ბატონები, რომლებიც ამბობენ, ვითომ სახლში ვლოცულობთო.

გარდა ასეთი საღვთო მაგალითისა თვით

საზოგადო საღვთო მსახურება თავის გარეგანი ფორმით და ღრმა შინაარსით ღირსია მისი, რომ ქრისტიანე ადამიანი არ აკლდებოდეს მას. განსაკუთრებით საღვთო ლიტურგია ან წირვა წარმოვიდგენს თვალ წინ იესო ქრისტეს მთელ ქვეყნიურ ცხოვრებას დაბადებიდან მის დიდებულ ამაღლებამდე. საგალობლები და საკითხავები ხან ამაღლებენ და აფრთოვანებენ კაცის სულს, ხან ახედებენ მას თავის შინაგან არსებაში და აგრძობინებენ თავის სიბილწეს და უძლურებას, უღვიძებენ მიძინებულ სინდისს და აგონებენ, რომ გარდა იმ სფეროსა, სადაც ადამიანებს უხდება ცხოვრება და მოქალაქობა, არის სხვა, სულ სხვა სფერო, სადაც დამკვიდრებულია სიწმიდე, მშვიდობა და სათნოება, სადაც არ არის ქირი და ურვა, სადაც მკვიდრობენ მხოლოდ მოქმედი კეთილისანი.

მივბაძით ქრისტეს მაგალითს, თუ მორწმუნენი ვართ ქრისტესნი, მივდივით მის კვალს, თუ გულით ვღებულობთ მის სწავლას და მოძღვრებას. ღმერთს არ ესაქიროება ჩვენი მსახურება, იგი ჩვენივე გამოსადეგია, ჩვენივე სასარგებლოა. ნუ უყურებთ ახალ-მოდის მოძღვრებს. ამ საგანში მათ არაფერი გაეგებათ. თვალწინ დაეყენეთ მაგალითი ქრისტესი—ეს უტყუარი გზის მაჩვენებელი ლამპარი. ვიაროთ ეკლესიაში და გულმხურვალეთ ვილოცოთ ის, ვინც ლოცვა დაგვაუღა. და აღთქმაც მოგვცა: „ითხოვდით და მოგეცესთო, ირეკდით და განგელსათო“; ანუ კიდევ: „რაიცა ითხოვთ მაშისა ჩემისაგან სახელითა ჩემითა, იგი ვყო, რათა იდიდოს ძე მაშისათანაო“!

საკითხი სულის უკვდავება¹⁾.

თარგმანი.

გაგზავლება

მაგრამ ძირითადი შეცთობა ამ თეორიისა იმაშია, რომ ის შესაძლებლად სცნობს რამოდენივე ერთეულ შეგნებათა ერთ საზოგადო შეგნებად შეერთებას, ეს იმის მზგავსია, რომ ივანეს, პეტრეს,

* იხ. შინ. საქ. № 21.

ალექსანდრეს და ვასილის შეგნებანი ერთად რომ შევავერთოთ, გაჩნდება ახალი შეგნება რომელიმე ნიკოლოზისა, უფრო სრული, მაღალი და უნაკლული. თუ პეტრე და ივანე რომელიმე საქმეს ერთად ასრულებდნენ ჩვენ, რასკვირველია, მათ მაგიერ მომქმედ პირად შეგვიძლია წარმოვიდგინოთ ერთი პიროვნება, რომელიც იმასვე აკეთებს, რასაც პეტრე და ივანე. ამის წარმოდგენა შეიძლება, მაგრამ ის ფაქტი, რომ მუშაობის დროს პეტრე და ივანე ყოველთვის გრძობდნენ თავის თავს განკალკევებულ ერთეულებად და რომ მათ ორ „მე“-ს არა გზით არ შეუძლია ერთ საზოგადო და მაღალ „მე“-დ შეერთდეს, ეს ფაქტი უქვევლია ყოველთვის ფაქტად დარჩება. პსიხიკურ ატომიზმის მომხრეებს ერთი საერთო „მე“ გამოჰყავთ ბევრ პატარა „მე“-საგან, როგორც ეს მექანიკაშია, სადაც თანასწორ მოქმედი ძალები შესდგება მათ შემადგენელ ძალთაგან. ისინი რომ დაჰკვირვებოდნენ ამ შედარებას, მასში ვერ დაინახავდნენ თვისი თეორიის საფუძველს, არამედ უარის ყოფას. მართლა რას უწოდებენ მექანიკაში თანასწორ მოქმედ ძალად? ეს რომელიმე სხეულზე მოქმედ ძალთა მაგიერი ძალაა, რომელიც ისეთს შედეგს იძლევა, როგორც ის ძალები, რომელთა მაგიერ ის მოქმედებს. თუ სხეულ A-ზე სხვა და სხვა მხრით მოქმედებენ ძალები P, Q, S და აიძულებენ სხეულს იმოძრაოს ხაზზე MN, ასეთ შემთხვევაში ჩვენ ყოველთვის შეგვიძლია წარმოვიდგინოთ რომელიმე ძალა „R“, რომელიც P, Q, S ძალთა მაგიერ აიძულებს სხეულს A-ს იმოძრაოს ხაზზე MN. მაგრამ როცა ვაპბობთ ასეთ შესაძლებლობაზე, ჩვენ კარგად გვესმის, რომ მოქმედების დროს თითოეული ძალთაგანი R, Q, S მოქმედებს თავის თავად, კერძოდ და სრულიადაც ად ერთობდებოდნენ ახალ, მაღალ და საზოგადო ძალად. ამნაირადვე, თუ ჩვენ გვაქვს პსიხიკური ატომები a, b, c, d, e, f, რომელნიც ერთად მოქმედებენ, ჩვენ თითოეული მათგანი წარმოდგენილი გვაქვს, როგორც განკერძოებული და ამასთან ჩვენთვის ცხადია, რომ ასეთ ატომების შეწყენებათა, თუ მათ აქვთ შემბცნება,—ერთ საზოგადო შემცნებად შეერთება ყოველად შეუ-

ძელებელია. საზოგადოდ, განკერძოებულთ ერთ ერთეულად შეერთება მხოლოდ სუბიექტიურ წარმოდგენაში შეიძლება და არა ობიექტიურ სინამდვილეში. ვინაიდან ჩვენი თვითშემეცნება სინამდვილეა, და არა მოვლენა, ამიტომ არ შეგვიძლია დაუშვათ, რომ ის პსიხიკურ ატომების შეერთების გზით წარმოსდგება. მაშასადამე, **არც პსიხიკურ ატომიზმის თეორია** შეგვიძლია მივიღოთ და არც ამ თეორიის დასკვნა სულის უკვდავების საკითხის ასახსნელად. ჩვენ უნდა მივმართოთ სხვა თეორიების გარჩევას. მივიტყვებ **პანთეიზმის** თეორიისადმი.

პანთეიზმი წარმოადგენს მატერიალიზმის წინაღმდეგ დოქტორინას და მათი წინაღმდეგობა უფრო მკვეთრად სჩანს მათს სწავლაში სულის უკვდავებაზე. მატერიალიზმის თვალსაზრისით სული არის ჯამი ბევრ ერთეულებისა, პანთეიზმის თვალსაზრისით კი — პატარა ნაწილია ერთეულისა. მატერიალიზმი ასწავლის, რომ უკვდავია ის ერთეულები, რომლებსაც შესდგება სული, პანთეიზმი კი, წინაღმდეგ, ამტკიცებს რომ უკვდავია ის ერთეული, რომლის ნაწილს შეადგენს სული. პანთეიზმი ასწავლის, რომ არსებობს მხოლოდ ერთი ღმერთი რომ მსოფლიო როგორც ფიზიკური ისე პსიხოლოგიური მხრით მეტი არაფერია, გარნა გამოჩინება ღვთაებრივ არსებისა. კერძო მოვლენა, კერძო პირები მსოფლიოში მხოლოდ შემთხვევითი, დროებითი და ცვალებადი გამოჩინებაა უცვლელ ღვთაებრივ არსებისა. მათი აბსოლუტთან დამოკიდებულება ისეთია, როგორც ოკეანეში ტალღების დამოკიდებულება თითონ ოკეანესთან. ოკეანეში აგორებული ტალღა ერთ წამს წარმოადგენს თავის თავად რალაც ინდივიდუალურს, თავისებურს, მაგრამ გადის წამი და ის ხელ-ახლა ჰქრება ოკეანეში, რომელშიაც წინეთ იყო. ასეა ადამიანიც. მისში გამოჩინებული სულიერი დასაწყისი საუკუნოდან იყო ნაწილი აბსოლუტურ სულისა, ერთ წუთს განკერძოვდა მისგან და მიიღო ბეჭედი ინდივიდუალობისა, რომ ცოტა ხნის შემდეგ ხელ-ახლა გაჰქრეს აბსოლუტში.

პანთეიზმი უძველეს დროიდან ბევრ

მეცნიერებს იზიდავდა. ბევრს ეგონა, რომ ყველა სწავლათაგან ის უფრო აკმაყოფილებს ქუის და გულის მოთხოვნილებებს. ადამიანს აქვს მისწრაფება ყველა მოვლენების გაერთიანებისა, სარწმუნოებანი კი არ აკმაყოფილებენ ამ ლტოლვას, მათში მეფობს დუალიზმი ან და პლიურალიზმი.

მატერიალიზმი, რომელიც აღიარებს ყოველის წარმომშობელ დასაწყისად მხოლოდ ერთ მატერიას, არსებითად არ აკმაყოფილებს ამ გაერთიანების მოთხოვნილებას: პირველ საფუძვლად არსებისა ის აღიარებს ატომების უთვალავ რაოდენობას. თვით არსება ასეთი უმნიშვნელო ერთეულებისა, მათი გაცალკევება და ამავე დროს მათი ურთიერთან დამოკიდებულება წარმოადგენს ბევრ გაუგებარს წინააღმდეგობას. პანთეიზმში კი პირველ საფუძვლად არსებულისა არის ნამდვილი ერთეული აბსოლუტი. დაუსაბამობა და აბსოლუტობა, რასაკვირველია, ნამდვილი პირობებია თვითარსებობისა. ჩვენთვის გასაგებია, რომ აბსოლუტი საკმაო მიზეზია თავის თავისა, რაც ჩვენ არ შეგვიძლია აღვიაროთ ატომის შესახებ. შემდგომ, ჩვენთვის გასაგებია, რომ აბსოლუტს შეუძლია გამოძეუნდეს მოვლენათა უსაზღვრო სხვა და სხვაობაში, აგრეთვე ჩვენთვის გასაგებია ამ მოვლენათა ერთმანეთს შუა კავშირი და დამოკიდებულება, იმიტომ რომ მათ აქვთ საერთო მიზეზი და კიდევ იმიტომ რომ მსოფლიოში განკერძოებულად არაფერი არ არსებობს.

თუ ამნაირად პანთეიზმი, ამბობენ მისი მიმდევარი, ყველა არსებულ მსოფლმხედველობაზე უფრო აკმაყოფილებს ქუას, უნდა აღვიაროთ, რომ ესტეტიკური მხრითაც პანთეიზმი უფრო აკმაყოფილებს გულის მოთხოვნილებებს. ის ამტკიცებს, პირველად, უსაშველო კავშირს ადამიანისა ღმერთთან და, მეორედ, ადამიანთა ერთმანეთ შორის ორღანიულ კავშირს. ადამიანები ძმებია ერთიმეორისა, ვინაიდან ისინი წარმოადგენენ ორღანიულად გარდაბმულ გამოჩინებას ერთ აბსოლუტურ სულისას. და თუ სიყვარული და ერთობა მოსიყვარულე არსებათა არის უმაღლესი ნეტარება, მაშინ პანთეიზმი

ისე უხსნის მათ არსს, რომ იგი (არსი) უფრო ხელსაყრელ პირობებს წარმოადგენს ამ ნეტარების მისაღწევად. ესმოდა რა სარწმუნოება, როგორც ტკბილი გრძობა განსაზღვრულ სულისა აბსოლუტთან ერთეობისა და ზიარებისაგან წარმომდგარი, ბევრი პანთეისტი იყო მორწმუნე. მოვიყვანოთ თუნდ რენანის განმარტება: „ქეშმარიტი სარწმუნოება, ამბობს ის, არის ნაცოფი მღუმარებისა და აზრთა მოკრებისა. ის იმ წამში იბადება, როცა კეთილმოქმედი ადამიანი თავის საკუთარ არსებაში შესული, ყურს უგდებს თავის შინაგან ხმებს. როცა ყველა გრძობა დაწყნარდება და შესწყდება გარემო ხმაურობა, მაშინ სულის სიღრმიდგან ამოდის რაღაც ტკბილი, მომხიბლველი თხრობა, და, როგორც დაშორებული ზარის ხმა, მოგვაგონებს დაუსაბამოის საიდუმლობას. მოაზრე ადამიანი მაშინ როგორღაც თავის თავს სამშობლოს გარეთ გრძობს და გული უღონდება; ის უარს ჰყოფს ქვეყნიურ ბნელ სინამდვილეს, აზრით მიილტვის სინათლით სავსე ქვეყნებისადმი, სიკვდილი, მომავალი წმინდა ქვეყნიდან მწირის ტანისამოსში, სულის კარს უკაკუნებს და ადამიანი გრძობს, რომ სიკვდილი მისთვის ტკბილი იქნება“. პანთეიზმის თეორიის თვალთარისით სიკვდილი არის სულის დაბრუნება აბსოლუტურ სუბსტანციის წიაღში, ტკბილ-ნეტარი გარდაქმნა ინდივიდუალურ „მე“-სი ღვთაებრივ უსაზღვროებაში. ამნაირად ერთი შეხედვით პანთეიზმი აკმაყოფილებს სულის ყველა მოთხოვნილებებს და ამიტომ არც გასაკვირია, რომ ფილოსოფიის წარმომადგენელნი უმეტეს ნაწილად მისი მიმდევრნი იყვნენ.

ჩვენ მაინც არ გავყვებით მათ. ჩვენი აზრით პანთეიზმის მატერიალიზმზე უპირატესობა იხატება ამ დოქტრინის გაუგებრობა-გამოურკვევლობაში, რაიც დიდათ აძნელებს მის კრიტიკულად განხილვას. ჩვენ არ შეუდგებით ამა თუ იმ პანთეისტურ სწავლის სიყალბის მტკიცებას. ეს ადვილია, მაგრამ მაშინ ჩვენი განხილვა ძალიან მოსაწყენი იქნებოდა.

თ-ჰე სი-ძე.

კვირიდამ-კვირამდე

ქუთაისის წმ. ნინოს ზავედციის საღვთო-სჯულის მასწავლებლად ნაცვლათ დათხოვნილი დეკანოზ ე. მაქარიშვილისა, თანახმად ექსარხო-სის სურვილისა, გადმოუყვანიათ ბოდბის მონასტრის მღვდელი მ. ნაცვლიშვილი.

მისი მალაყოვლად უსამღვდელოესობა საქართველოს ექსარხო-სი ინოკენტი საზაფხულოთ ორი თვით იალტაში წაბრძანდა 10 ამ თვიდან.

სემენარიიდან დათხოვნილი შევირდებს იმერეთის ეპარქ. კანცელარიით მოწმობები მოუვიდათ. ყოფაქცევაში ნიშანი არ აქვთ.

რაც ი. ს. გოგებაშვილი გადაიცვალა, ქუთაისში პანაშვიდები არ შეწყვეტილა სხვადასხვა ქართულ ჯგუფთა და დაწესებულებათაგან. მისმა მეუღეებამ ორჯერ გადიხადა პანაშვიდი. პირველი თვით წარმოსთქვა გრძობიერი სიტყვა რომელიც სობოროს სამღვდელოებით, რომელზედაც აქვე იბეჭდება, ხოლო მეორე ქალაქის სამღვდელოებითურთ, რომელზედაც სიტყვა წარმოსთქვა დეკ. ვ. დოლაბერიძემ.

იმერეთის სამღვდელოების სახელით ი. ს. გოგებაშვილის დაკრძალვაზე დასასწრებლად ვაგზავნილ იქმნენ დეკ. ი. აბესაძე და მღ. ი. ბაკურაძე.

გაბრიელის ქადაგების ბეჭედას იმერეთის სარწმუნოებრივ-განმანათლებელი ძმობა უკვე შეუდგა. იმედი გვაქვს რომ ეს გამოცემა წელიწადზე აღრე დამთავრდება.

იმერეთის სარწმუნოებრივ განმანათლებელ ძმობას განძრახული ჰქონდა გამოეცა შემოკლებული კურთხევანი და დიდმარხვის პირველ

და უკანასკნელ კვირიაკეში სახმარი წიგნები, მაგრამ, მიუხედავად ყოველად სამღვდელთა გიორგის შუამდგომლობისა, კანტორამ ნება არ დართო; წიგნები კი არა გვაქ ეკლესიაში!...

მღ. ე. მაისურაძე ას მანეთს დაპირდა „შინაურ საქ“ რედაქციას, რომლითაც უნდა გამოიცეს წიგნი „სინამდვილე სახარებისა“ და მუქთად დაურიგდეს ეკლესიებს. ეს წიგნი უკვე გამოვიდა და ფულის მიღებისთანავე დაურიგდება ეკლესიებს. ვინც წიგნს ფოჭტით დაიბარებს ორ შვილკაპიკიან მარკას გამოგვიგზავნის.

კ რ ი ტ ი კ ა.

ეკატერინე ვაზაშვილისა.

II

ავიღოთ ახლა ჩვენი მწერლის მოთხრობა „რომანი დიდ-ხევაში“ (გვ. 25), სადაც ორი არსების, მაროსა და პავლეს სიყვარული აქვს მას აღწერილი და მოკლეთ განვიხილოთ. მაროს და პავლეს სიყვარულს, იმათი დაკავშირების საქმეს ხელს უშლის იმათი ერთი მეორის მძახლობა და ეს გარემოება შეიქნება მთელი სოფლის სალაპარაკო საგანი. ამ მიზეზების გამო იმათ ღვდელიც არ დაწერს ჯვარს.

მართალია, პავლე ხმამაღლა იძახის: „ახლა სიყვარული სირცხვილი როდია! ახლა სირცხვილი ის არის, თუ უსიყვარულოდ ცოლს შეირთავს ვინმე. მე და შენ რომ ერთმანეთი გვიყვარს, ვის რა აკლდება?... მარო, ძალით იქნება, თუ ნებით, ჩემი უნდა, გახდესო“. მაგრამ სურვილი ვერ შეისრულა, მთელი სოფელი მათი სიყვარულის წინააღმდეგ ამხედრდა და ორი აღამიანი შეიქნა საუკუნოდ გაუბედურებული წევრი საზოგადოებისა. პავლე, ბოლოს, ხანჯლით მოკლავს მაროს და თვით საპყრობილეში მოკვდება ჭლექით. ამგვარად, სოფელს გაუღმერთებია ბუნების წინააღმდეგი ჩვეულება, რომელიც სხვერპლად იწირავს ორს სასარგებ-

ლო და სოფლისთვის თავმოსაწონებელ არსებას და ამ გარემოებას მთელი თვისი არსებით პროტესტს უცხადებს ავტორიც...

ჩვენ ვერ დავიჯერებთ, რომ ამ მიზეზის გამო, მაროსა და პავლეს ჯვარს არ წერდეს ღვდელი. როგორც ვიცი, ასეთი მოქორებული ნათესაობა ჩვენს ეკლესიას არა სწამს და, მაშასადამე, ღვდელსაც ნება არ ქონდა ჯვარი არ დაეწერა. ეს ცოტა არ იყოს ნაძალადები ამბავი გახლავთ. მაგრამ ეს გარემოება დიდად საჭირო იყო ჩვენი რომანტიკოსი მწერლისთვის, რომ მკითხველის გულში უფრო აღედგრა ზიზღი და სიძულვილი ასეთი არა ნორმალური მოვლენებისა...

ამავე მოთხრობაში ავტორი ეხება სოფლის წოდებათა ურთიერთობასაც და აწერილი აქვს ნაბატონარის მოურავის და გლეხთა შეტაკება, იმათი ინტერესების ბრძოლა. ერთს დღეს „გადამთიელ იმერელს“ ივანიკასა და გლეხების წარმომადგენლის, პავლეს შორის დიდი ჩხუბი ატყდება. მოურავი, „წუწვი იმერელი“, კინაღამ მოკლეს სოფლის ტეტეებმა, მაგრამ „რევოლვერმა უიარაღო ხალხი უკან დააყენა. ივანიკამაც უკან-უკან დაიწია და ბოლოს კარებში გაფარდა.“ რა თქმა უნდა, ავტორის სიმპატიები ტეტეებისკენ არის და ეს მოთხრობაც, სხვათა შორის, ახასიათებს მას, როგორც იმ დროის მწერალს.

მოთხრობაში „კონა“ (გვ. 81) ავტორს აწერილი აქვს, თუ როგორ იზრდებოდა სხვის კარზე მოსამსახურედ კონა, რომელიც დედინაცვლის მეოხებით სხვის მოსამსახურედ მიეგდო მის ღვიძლ მამას. კონა იზრდებოდა ბატონისას და დიდი ტანჯვა და ჯოჯოხეთი აიტანა მან, რომელსაც თანამგრობი და მომფერებელი არავინ ყავდა, გარდა ლევანისა, რომელიც იყო დედით ობოლი და მისი „დედინაცვლისგან ბევრჯელ უსამართლოდ დასჯილი“.

თუმცა სოციალური მდგომარეობით კონა და ლევანი ერთი მეორისგან დიდად განსხვავდებოდნენ, მაგრამ ისინი მწუხარებას და ობლობას ერთი მეორისათვის ძლიერ დაეახლოვებია

და დროს მომეტებულად ერთად ატარებდნენ. ერთმანეთის უბედურებით დაკავშირებული ობლები ერთი მეორის შებრალებაში დიდ შეღავათს პოულობდნენ, ერთმანეთს იგინი სიყვარულით და აღერსით ეპყრობოდნენ. გადასწყვიტეს ერთხელ კიდევ, რომ მოშორებოდნენ თავიანთ მწვალებლებს და გაიპარენ სადღაც, მაგრამ ლევანის მამამ იგინი გზაზე ვაგონში დაიჭირა და სახლში მოიყვანა.

ქალბატონი წიხლებით შედგა კონას „და იქ მდგომ ბიჭებს, რომ არ შეენიშნათ კონას გულის წასვლა, იქნება ფეხქვეშაც ხმა ამოუღებელივ ამოსვლოდა სული.“ კონა საშინელი ავითმყოფი შეიქნა და ძლივს გადარჩა. გადარჩა... მაგრამ მის მოთმენიან გულში ამიერიდან შურის ძიების გრძნობა ძალიან გაძლიერდა. მან გადასწყვიტა მისი და ლევანის მტანჯველისათვის სამაგიერო გადაეხადა და ბარბარეს გულში დანა ჩასცა. ბარბარეს ამით მან ვერაფერი დააკლო, მაგრამ კონამ, ისედაც დაავთმყოფებულმა ვეღარ აიტანა ასეთი დიდი სულიერი ბრძოლა და... თქვენი ქირი წაიღო.

ლევანი, ბოლოს, მამას შეურიგდება, „გიმნაზიაში სწავლობს და იმედი აქვს უმაღლესი სწავლაც მიიღოს“.

ბარბარე და სერაფიონი იმიტომ იყვენ წინააღმდეგი კონასა და ლევანის დაახლოვებისა, შეკავშირებისა, რომ წოდებრივი განსხვავება იყო ამ ორ ახალგაზდათა შორის გაჩხიროული. და ამ გარემოებას ხომ ბარბარე და სერაფიონი ვერ შეურიგდებოდა თავის დღეში. იმიტომაც ეს ორი უდანაშაულო სხვერპლი შეეწირა სოციალურ უსწორ-მასწორობის უსამართლობას.

აქაც უნდა შეენიშნო, რომ რაღაც არა ჩვეულებრივი, იშვიათი მოვლინებაა სოფლებების ცხოვრებიდან აღებული და არა უოველ დღიური ამბავი სინამდვილისა. და ეს იმიტომ, რომ ავტორმა გული აუჩვილოს ჩვეულებრივ მკითხველს და ცრემლები გადმოაყრევინოს.

ქუჩეს და თედოს (მოთხ. **ორ-ენა და ქუჩე** გვ. 145) ერთმანეთი უყვართ ძლიერი სიყვარულით, სწორედ ერთმანეთისთვისაც იყო ეს

ორი არსება ამ ქვეყნად გაჩენილი: „ქალი მალალი, კოპწია, მაისის ვარდით გადაშლილ ლოყა-ტუჩებით... ბიჭი--ლომი, მხარ-ბეჭ გადაქიმული, ახლად უღვაშ აყვავებული... ესენი ეშხით დასტრიალებდნენ ერთმანეთს“.

მაგრამ გაჩნდება გარემოება, რომელიც გზაზე გადაეღობება ამათ გაბედნიერებას: „ქუჩე იყო დედის ერთა, მზითვიანი ქალი, იმისი მამა—გოგია აზნაურებს აღირებდა თავის გოგოს. თედო კი (ორ-ენად წოდებული) ერთი სხვა მხრიდან გადმოვარდნილი ბიჭი იყო და ლუკმა პურს მოჯამაგრობით შოულობდა“.

ამიტომაც ეს გარემოება გადაეღობება იმათ გაბედნიერებას, თუმცა უშანკო სიყვარულის სიტკბოება იმათ უკვე განიცადეს და ქუჩეს თედოს სიყვარულის ნაყოფიც გამოჩნდა. ამ გარემოებამ, რასაკვირველია, მთელი სოფელი დიდათ ააყაყანა და გამწარებულმა მშობლებმა სიცოცხლით სავსე ქუჩე ცოლად მიათხოვეს „ორმოცდაათი წლის კაცს“. ამ ქმარ-მაც ჯვარის წერის შემდეგ ყველაფერი გაიგო და გაბრაზებულმა უბედური ქუჩე ისევ მშობლებს მიუგდო სახლში, რომელთაც იგი ნამდვილად აწამეს. „ორთავენი ერთად მხეცებივით დაეტაკენ ქუჩეს. გაცოფებულნი ამყაობის დამციკებით, ესენი შეუბრალებლივ სტანჯვიდნენ ქუჩეს. პირი, ხელი, ნაწნავემი, ერთი სიტყვით, რაც კი ხელქვეშ მოხვდებოდათ, შეუბრალებლივ იბღვინებოდა... გაჩუმებული და გულწასული ეგდო ქუჩე მიწაზე და უსიტყვოდ იტანდა გამხეცებულ ღვიძლი მშობლებისგან ტანჯვას... ხოლო, როცა გული რიგიანად მოიოხეს, დაავლეს ხელი ორთავემ და გულწასული გოგო ბოსელში შეათრის და გამოიხურეს კარები“.

ქუჩეს მშობლებთან ერთად, მთელი სოფელიც გადაემტერა და „არც ერთი მოხარჩლე, არც ერთი ნუგეშის მცემელი არავინ ყავდა“. ამ მდგომარეობაში მყოფს ქუჩეს შვილიც ეყოლება. დედა „გიცივით დააფრინდა პატარას, საჩქაროდ მიიკრა გულზედ, აღერსით დაეკონა და ისევ საჩქაროდ დაახეთქა ზღუღუნედ“. ამ უბედურებას მოყვა ქუჩეს ვასამარ-

თლება და საუკუნოდ დაღუპვაც. ყველა მოწმეების ჩვენებით დამტკიცდა იმისი დანაშაული და „იმაზედ კი, თუ რამ მიიყვანა აქამდის, რასაკვირველია, ხმა არავის ამოუღიაო“. ახლა ყური დავუვლოთ, თუ რა სიტყვებით ასწერს ჩვენი ნიჭიერი ავტორი ქუჩეს გასამართლების სურათს:

„სასამართლოს დარბაზი სრულიად ცალიერი იყო. სულ ათი კაცი არ დასწრებია ამ საქმის გარჩევას. აბა, რა ღირს-საცნობი იყო საწყალი გლეხის გოგოს ამბავი? ქუჩე რომ დიდი ოჯახის ასული ყოფილიყო, მაშინ სასამართლო ბევრს შემამსუბუქებელ საშვალებას მიიღებდა მხედველობაში! ეხლა კი გოგიამ ვილაცა საექვო პატიოსნების „აღუკანტი“ მოიწვია, რომელიც სასამართლოს წინ თრთოდა, გამართლების მაგივრად თავის მომწვევლებისთვის შებრალებას თხოულობდა, შებრალებას! შებრალებას იქიდან, სადაც კაცის გული გაქვავებულია და სადაც სხვისი კირი მხოლოდ გამართობელი საგანია! ქუჩე ტუსადის ტანისამოსით, თვალზე შალ-ჩამოფაფხული უგრძობლათ იჯდა. იმან ამ დღეს მარტო ორჯერ აიხედა მალა: ერთი მაშინ, როდესაც გადაწყვეტილებაზე გოგიამ და ნინომ ტირილი მორთეს,—და საშინელი იყო ეს გადახედვა! ამ გადახედვაში და მწარე ღიმილში გამოცხადდა სრული სიძულვილი და ზიზღი იმის ამ დღემდის მიმყვანთა ცრემლების ულაგობაზე; და მეორე მაშინ, როდესაც ის ორ შტიკიან სალდათს ჩამოყავდა სასამართლოს კიბეზე; იქ კუნჭულში იდგა გაყვითლებული, დაგლეჯილი ტანისამოსით, ცალ-ხელა ყმწვილი ბიჭი და ხელგაშფერილი მოწყალეებს თხოულობდა. ქუჩეს გააგრეოლა. ის ერთი წამით შესდგა, უნუგეშოთ თავი გაიქნია და ეხლა კი ცრემლები გელარ შეიმგრა. იქნება წარმოიდგინა ის წამები, როდესაც ესენი ზეცამდის ბედნიერნი იყვნენ მარტო სიყვარულით და ეხლა კი იმავე სიყვარულისა და ადამიანის სიბრძნის წყალობით უფსკრულამდის უბედურნი. ერთი წლის წინად სავსენი სიციცხლით, სილამაზით და სიკბუკით ერთმანეთს შესტრფილებდნ

და კაცის თვალს ატკობდნენ, ეხლა კი დამახინჯებულნი იმავე ხალხის მოწყალეებით განიწირებოდნენ საზოგადოებიდან.

ქუჩე წაიყვანეს. თედომ სწრაფად გაიწია იმის შესაყენებლად, მაგრამ ხელზედ დაიხედა, მწარედ გაიღიმა და უნუგეშოთ, თითქოს საყველურით, ზეცას შეხედა“.

ამგვარად, როგორც ხედავთ, ეკატერინე გაბაშვილი, საფრანგეთის სახელოვანი ბელეტისტი ქალის ჟორჟ-ზანდივით, თავისუფალი სიყვარულის დიდი მოსარჩლეა და პირადი უფლების, ინდივიდუალიზმის აღმსარებელი...

ხომლედი.

საქართველოს ეგზარხოსი ინოკენტი 21

მაისს გამოემგზავრა ტფილისიდან ღუშეთის მაზრაში სამხედრო გზაზე მდებარე ეკლესიებისა და შკოლების დასათვალიერებლად. თან ახლდნენ: ტფილისის ვიცე გუბერნატორი, გუბერნიის ექიმი ბ. ქიქოძე. გუბერნიის სამართველოში მოსამსახურე მოხელეთაგანი, ღუშეთის მაზრის უფროსი, სიონის ტაძარის დეკანოზი ა. თოთებაძე და მთავარ-დიაკონი სამადალაშვილი. ნაშუადღევს პირველი საათი იქნებოდა, რომ ორმა ავტომობილმა გრიალი მოიტანა სად. ფასანაურში. ფასანაურის ეკლესია მორთული იყო ყვავილებით, ვალავანის შესავალ კარებში გაკეთებული ჰქონდათ გვირგვინი წარწერით: „ისპოლაეტი დესპოტა“. ადგილობრივი შკოლის მოსწავლე ბავშვები გზა და გზა უფენდნენ ყვავილებს. მიეგება მრავალი ხალხი, როგორც წარმომადგენლნი, აგრეთვე სოფლელი ხალხი, მათ შორის ოთხი მღვდელი, ფასანაურის ეკლესიის დროებით გამგე მღ. ალექსანდრე კავკასიძის მეთაურობით, რომელმაც შესვლისთანავე ეკლესიაში სიტყვა უთხრა ეგზარხოსს, რომელშიაც მადლობას უძღვნდა ნახვისათვის და სთხოვდა მამობრიულ დახმარებას, ბნელში მყოფ ხალხში სწავლის შეტანას. გალობდა შკოლის გუნდი მასწავლებელ დარია ლუკიანოვის ლიტბარობით. ეგზარხოსმა მოკლე სიტყვით მადლობა გადაუხადა. უსურვა მხნეობა და მტკი-

ცედ ყოფნა სარწმუნოებაზე. ბავშვებს და წერაკითხვის მკოდნე ხალხს წიგნებს ურიგებდნენ. ნაშუადღევს მესამე საათზე ეგზარხოსი გაემგზავრა ყაზიბეგისკენ. გზა და გზა ინახულა ეკლესიები: ჩირიკისა, ნალორევისა, მღეთისა, კობისა, სიონისა და ბოლოს მივიდნენ ყაზიბეგშიაღ. მღეთის ეკლესიაში დიდ ხანს ესაუბრა ხალხს, მეტად ასიამოვნა ხალხის სიმრავლემ, ეკლესიის ძველი ნაშთების ნახვამ, მგალობელთა გუნდის მშვენივრად გალობამ ქართულ-რუსულად ადგილობრივი მღვდლის ალექსანდრე კავკასიძის ლიტბარობით, რისთვისაც რამდენჯერმე მადლობა მიიღო მ. კავკასიძემ. მოეწონა აგრედვე სასწავლებლის და კრებულისთვის ახალი შენობა.

ხალხმა პურ-მარილი მიართვა და სთხოვეს დახმარება გაუწიოს ერთ კლასიან სკოლის ორკლასიანად გადაკეთებისა და ორი მასწავლებლისთვის ორი ოთახის გაკეთებისათვის ფულის გადადება. ეგზარხოსს ეს თხოვნა ძალიან ესიამოვნა და დაჰპირდა ას ოც თუმანს ამ თხოვნის დასაკმაყოფილებლად.

მოეწონა აგრედვე ყაზიბეგის სკოლის გაკეთებული შენობა. ესიამოვნა ხალხის დახედრა და დაუზოგავი მხნეობა სკოლისათვის. სიტყვები წარმოსთქვეს თვით ეგზარხოსმა და გენერალმა ყაზიბეგმა, რომელმაც აუხსნა ხალხის პირ-ვარამი და სთხოვა მოწყალე თვალის მათზე მიპყრობა. მადლობა გადაუხადა ადგილობრივ მღვდელს მ. ბართლომე ღუდუშაურს სკოლისა და ეკლესიის მგდომარეობის გაუმჯობესობის მუშაობისთვის. მოეწონა აგრეთვე ძირიკის ეკლესია, მადლობა უძღვნა მღ. მოსე კავკასიძეს და ლოცვა-კურთხევა გადასცა მედავითნე გრიგოლ ბუჩუკუს მაღალი ხმით გალობისათვის. დაჰპირდა აგრეთვე ფულათ დახმარებას ნალორევის ეკლესიის გასადიდებლად, რომელ ეკლესიაშიც არ მოთავსდება ხუთი კაცი და წირვა-ლოცვა მასში არ შეიძლება. 22 მაისს ეგზარხოსი დილის რვა საათიდან დაბრუნდა უკან და თავისი ამალით ანანაურიდან ცხენებით გაემგზავრნენ თიანეთს.

ღოროსხვეელი.

22-ს იმ თვეს თიანეთს ეწვიო, საქართველოს ეგზარხოსი ინოკენტი. არქიელი (ეგზარხოსი) აქეთ, აგერ 45 წელიწადზე მეტია, რაც არ უნახავთ; 45 წლის წინედ ყოფილა აქეთ მაშინდელი ეგზარხოსი ევსევი.

თიანეთის მაზრის უფროსი, ორი მომრიგებელი შუამავალი, ჭავჭავაძე და ბარათაშვილი, ბოქაული ვაშაძე და ბლაღოჩინი მ. გიორგი ინაევი სტრაჟნიკებით მიეგებნენ სოფელ ყინვალში; აქ ბლოჩინი ინაევი, სიტყვით შეეგება ეგზარხოსს და შემდეგ ცხენებით გამოემართნენ თიანეთისკენ. წინა ღღებში წვიმები იყო და ბოდავზე გადმოსავალი ტყიანი გზები გაფუჭებული იყო. ეგზარხოსმა ცხენით იმგზავრა და საათის ხუთზე ზემო თიანეთის (ტუშურებში) ეკლესიაში მიბძანდა. აქ, სამაზრო სკოლების მეთვალყურე მ. გ. ქინკველაძე, სიტყვით შეხვდა. შესახვედრ პარაკლისის შემდეგ სკოლის მოწაფენი გამოსცადა და გამოემართა თიანეთისკენ. რვა საათი იყო, რომ ეგზარხოსი მობძანდა თიანეთის ეკლესიაში. აქ, საბლაღოჩინოს სამღვდლოება შემოსილი, გლტობა და თიანეთის მოხელენი შეხვდნენ. შესახვედრი პარაკლისის გადახდის შემდეგ, საზოგადოებას სიტყვით მიმართა. სიტყვის შემდეგ ყველანი დალოცა, ხელზე იეთხვია და მიბძნდა მისთვის მომზადებულ ბინაზე, თ. ვახტანგ ბარათაშვილის სახლში. 23-ს დილით ეგზარხოსმა, თიანეთის სკოლა დაათვალიერა, მოწაფეები გამოსცადა და მიიღო სხვა სხვა პირებისაგან თხოვნები; შემდეგ, თავის გამცილებლებით, ცხენზე მჯდომმა, ფოტოგრაფიული სურათი გადაიღო და გაემგზავრა ახმეტისკენ. ერწოსკენაც ელოდნენ ეგზარხოსს, მაგრამ ლოღინი გაუცრუვდათ.

ქართველი ოსებში ნამყოფი.

ყოვლადსამღვდელო ლეონიდის მოცხადებასა საქვერცხლოს ეკლესიების დასათავალიერებლად.

გაგრძელება*)

ძველი ეკლესიის მომხრეებმა ისარგებლეს ეპისკოპოსის მიბრძანებით კიწიაში და მოახსენეს: —ახალი ეკლესიისთვის არჩეული ალაგი განაპირა მრევლისა და იქ აშენებული ეკლესია გამოუსადეგარი იქნება ყველასთვისო. მისმა მეუფებამ თითონ ინახულა ყველა ალაგები და დარწმუნდა, რომ ახალი საეკლესიო ალაგი ნამდვილი გულია მრევლისა და ძველი ეკლესია მთლად განაპირაზე მდგარა.

ბევრა ლაპარაკის და ჩოქოლის შემდეგ მისმა მეუფებამ უბრძანა საზოგადოებას: „მე დაემტკიცე თქვენგან შედგენილი და ხელმოწერილი განაჩენი ეკლესიის აშენებისა ახალ ალაგზე, ეს დადგენილება უნდა ძალაში შევიყვანოთ, თუ იგი ყალბია, გაასაჩივრეთ გუბერნატორთან, ე. ი. უჩივლეთ მამასახლისს, რომელმაც ამ განაჩენის სინამრვილე შეამოწმაო. მამასახლისმა გამოუცხადა მოწინააღმდეგეებს ყაბული მამქს, მიჩივლეთ და თუ დამნაშავე ვარ რამეში, მთავრობის სასჯელს ვიკისრებო.

საკვირველია, რომ ჩვენში ყოველი საქმე ბადებს პარტიებსა და კაცის ღირსების დამამცირებელ ხრიკიან საჩივრებს.

ნაქალაქევის და ალავერდის საბლადოჩინო ოლქები ისე შედიან სოლებივით ერთი მეორეში, რომ ხან ერთი საბლადოჩინო ეკლესიები უნდა ჩხრიკოს მეთვალყურემ და ხან მეორესი. ამიტომ კიწიის ეკლესიების დათვალიერების შემდეგ მისი მეუფება ისევ ალავერდის ოლქში გადაბრძანდა და განახილა ოთხი ეკლესია სულ გურძემებისა.

პირველი გურძემის მთავარ-ანგელოზის ეკლესია ორშტატნი ყოფილა და, როგორც შტატის ეკლესიაში, ისე ზედ მიწერილში გაუსდენელი წირვა-ლოცვა ჰქონია მრევლს მაგრამ ადვილობრივ ბლადოჩინს: დეკ. მ. გიორგი ბერიძეს, საჭიროდ დაუნახავს სხვა და

სხვა მრევლებიდან გადმოსახლებულისთვის ახალი ეკლესიის აშენება კარგა დაშორებით პირველ გურძემიდან და იქ გადატანა პირველი გურძემიდან ერთი შტატისა, ასე რომ პირველ გურძემში შტატში და ზედ მოწერილ ეკლესიებში დარჩომილა ერთი მღვდელი, ე. ი. შტატებს და საჯკარის მრევლს გაუნახევრდათ წირვა-ლოცვა. ეს გარემოება ძალიან სამძიმოთ აქვთ დარჩომილი ხსენებულ ეკლესიების შეშავალთ და საჩივრები განუცხადეს მის მეუფებას მ. ბერიძეზე.

საერთოდ, გურძემის ეკლესიები, გარდა ახლად აშენებულისა, პატარები და ღარიბები, მაგალითად მეოთხე გურძემის ეკლესიაში დღესაც კალის დაქუცღეთი ბარძიმ ფეშხუშია ხმარებაში! მარტო გურძემის მესამე ახლად აშენებული ეკლესია ახდენს მნახველზე სასურველ შთაბეჭდილებას, როგორც შენობის მოხდენილობით, ისე სამკაულების უკლებლობით.

მარიამობის ცხრას დათვალეირდენ შემდეგი ეკლესიები: ალავერდის, ორი ფოცხვისა და ორი მახაშისა.

ალავერდის წმ. გიორგის ეკლესია ძველი დროისა და თავისი მშვენიერი მოყვანილობით სიამოვნებით ავსებს მნახველის გულს. ეკლესია შემკობილია წმინდა ვერცხლის ბარძიმ-ფეშხუშით, ჯვრებით, სახარებით, საცეცხურებით და კარგი შესამოსლებით. ეკლესიის წინამძღვარს, დეკ. მ. გ. ბერიძეს დიდი შრომა და ამაგი მიუძღვის, რომ ასე სასიქადულოთ არის დაყენებული ალავერდის ეკლესია და მისი კეთილი ხსოვნა დიდხანს იცოცხლებს მისგან დავალებულ მრევლში.

არაა დასაწუნი არც შენობის მხრივ და არც მოწყობილობით ფოცხოვის პირველი ქვიტკირის ეკლესია ხოლო მეორე ახლა შენდება ღრუბლის მგზავსად დახვრეტლი, ეგრეთ წოდებული, სპონტიკოს (შირიმის) ქვით. მოწყობილობით მოხაშის წმ. გიორგის მეორე ხის ეკლესია უკეთესი იმავ სოფლის ღეთისმშობლის პირველ ეკლესიაზე, სამაგიეროთ უკანასკნელი, აღემატება პირველს სიფართოით, სინათლით და ქვიტკირის შენობით.

*) იხ. შინ. საქ. № 21.

მოხაშის პირველ ეკლესიას აქვს ზედ მიწერილი, ახლად აშენებული, საკმაოდ ფართო ქვიტიორის ეკლესია. აქ მის მეუფებას მრევლმა სთხოვა ამ ეკლესიის გაშტატება, მაგრამ ყოველადსამღვდელმომ გადაჭრილი უარი უთხრა, რადგანაც მრევლიც ნამეტანი მცირე რიცხოვანია და ეკლესიებიც ერთი ვერსის მანძილთაღ ვერა შორავენ ერთი მეორეს, მით მომეტებულ, რომ მათში მისვლა, რადგანაც არც მთაა გადასავლელი და არც მდინარე, არავითარ სიძნელეს და უხერხულობას არ წარმოადგენს.

სოფლელებს ახალი რამე საქმე რომ უჩიო; თუკი მისი განხორცილება ხარჯის გაღებას მოითხოვს მათი ჯიბიდან, ძალიან სასარგებლო და საჭირო რომ იყოს იგი მათთვის, უსათუოდ უარზე დადებიან: ვინ მოგვცა მაგარი თავი, სიღარიბისაგან გავძვალტყავდით და შიმშილით კუჭი გვეწვისო. მაგრამ თუ მეზობლებში ჯიბრი და შურიანობა ჩამოვარდა, სიღარიბეც დავიწყებული ხდება და სწორედ საოცარ საქმესაც ჰკიდებენ ხელს.

აი აქაც ს. მოხაშში, მარტო დაჩემების და ჯიბრის გაწევის გამო აუშენებიათ ეს არა იაფათ დამჯდარი ქვითკირის მოზდილი ეკლესია, თორემ არც მრევლის რაოდენობა და არც მანძილის სიშორე არ ხდიდენ მას ხაჭიროდ. ამ გარემოებამ მომაგონა მსგავსი შემთხვევა რაჭის სოფელ ხონჭიორში.

სოფელი ხონჭიორი გაშენებულია მაღალი მთის პატარა ვაკობზე ორ უბნათ, ერთ უბანში მოსახლეობენ ბუძეები მეორეში ფოფხაძეები. ეს უბნები დაახლოებით იმდენათ შორავენ ერთი მეორეს, რამდენათაც ქუთაისში არქიელის სახლი საკრებულო ტაძარს, მხოლოდ ამითში განსხვავება ეს არს, ქუთაისში არქიელის სახლი მთაზეა და ტაძარი დაბლა ვაკეზე, სოფელ ხონჭიორში კი ორივე ეკლესიები ვაკეზეა. ერთ უბანს აუშენებია დიდებული ქვის ეკლესია და მოუწყვია ყოველგვარი სამკაულეებით. მეორე უბანს, რაკი ძველი ეკლესია დარჩომიათ, ჯიბრზე, უფრო დიდებული თლილი ქვის ეკლესიისთვის მიუყვია ხელი. მე თითონ

ვნახე ფულების გაწერის ფურცელი და თვითეულ ოჯახს სამას მანეთ ნაკლები არ ეწერა და ისეთებიც იყვნენ, რომლებსაც ხუთასი და შვიდასი მანეთიც ჰქონდათ შეწერილი. ჯიბრით ასე ტყავს იძრობენ და თქვენი კეთილი რჩევით კი თუმანსაც ვერ გამოაღებინებთ სულ საჭირო საქმისათვის.

ს. მოხაშიდამ წავედით ს. ლექძემამეში და ამითი დავამთავრეთ ალავერდის საბლალოჩინო ოლქი.

გზაში კინალამ უბედურობა დაგვატყდა თავსა: ერთს ჩვენს თანამგზავრს ბოგირი ჩაენგრა და ცხენს რომ მხედარი გვერდზე არ გადაესროლა, ქვეშ მოიყოლიებდა—და უსათუოდ ატკენდა რასმეს, ცხენიდან გადმოვარდნილს ხუმრობა დაუწყეს „სი კოჩი, ქორთუ ხო არა ხარო, რომ ცხენიდან გადმოვარდიო, ეგ ხომ ჩვენი შერცხვენა და თავის მოჭრაა ბატონ ქყონდიდელთანაო“!...

ს. ლექძემამის შტატის ეკლესია მეტად ღარიბულათაა მოწყობილი და აღმოსავლეთის კედელი საგრძნობელად დარღვეულა. ამ ეკლესიას კიდევ ორი ზედ მიწერილი ეკლესია აქვს, მაგრამ მათი ეკლესიად წოდება კი სწორეთ გმობაა, რადგანაც არც გარეგნობით წააგვანან იგინი ეკლესიას და არც შინაგანი მორთულობით.

ყოველადსამღვდელმომ ორივე ზედ მიწერილ ეკლესიებში აუკრძალა ადგილობრივ მღვდელს წირვა-ლოცვის შესრულება და მათ ნაცვლად ხალხს დაავალა შუაგულ ალაგზე აშენება საერთო ეკლესიისა.

მცირედი შესვენების შემდეგ მამა ხუხუნისას გამოვეთხოვეთ დეკ. ბერიძეს და ნაქალაქევის ოლქის ბლალოჩინის მამა ჩაჩიბაიას თან ხლებით გავემგზავრენით ს. კვალთს. კვალთის ეკლესია ძველი-ძველთაგანია, იგი ერთ მაღალ მთის კალთაზეა აღშენებული; ხალხი დაბლა ჩასახლებულა და კარგა დაშორებია ეკლესიას; ექვს გარეშეა, რომ ხსენებულ ეკლესიაში წირვა-ლოცვა იშვიათად სრულდება და არც ამ იშვიათ შემთხვევაში ესწრება ხალხი. ამითი უნდა აფხსნათ უკიდურესი სიღარიბე და მოუწყობლობა ეკლესიისა.

კვაუთის ეკლესიაში რომ მივდიოდით, შევნიშნეთ, რომ ერთ ეზოში ხის ქვეშ ისხდნენ რამდენიმე ქალი და კაცი და ჩვენთვის თითქმის ყურადღებაც არ მოუქცევიათ. ერთი ჩვენი თანამგზავრი ცოტა უკან ჩამოგვჩა და ეზოში მყოფთ უთხრა: „დაინახეთ, მღვდელმთავარი მიბრძანდება ეკლესიაში, თქვენც წამობრძანდით, ქადაგება მოისმინეთ და ლოცვა-კურთხევა მიიღეთო“. აქ წამოიჭრა ქუთაისის ერთ-ერთი სასწავლებლის მოწაფე და უპასუხა მგზავრს: „ამხანაგო, განა ჯერ არ შეგიტყვია, რომ რწმენის თავისუფლება გამოცხადებული? ამ კაცებს არა სურთ ეკლესიაში წამოსვლა და არ მოდიანო“... თითონ ეს ახალგაზრდა ამობრძანდა ეკლესიის გაღავანში, მაგრამ ეკლესიაში მაინც არ შემოუხედნია. საკვირველია ღმერთმანი, ამგვარი პირების ფსიხიკა: თუ სარწმუნოებრივი გრძნობა დაუკარგავთ და ლოცვა აღარ შეადგენს მათი გულის მოთხოვნილებას, ცნობის მოყვარეობა მაინც უნდა ჰქონდეთ, იმისი გაგება მაინც უნდა ეხალისებოდეთ, რას ჰქადაგებს ახლად მოსული პირი, რისთვის მოგზაურობს იგი და სხვა. ვერაფერი სამსახურია დაბალი ხალხისადმი შესმენილი ახალგაზდობის მხრივ ასეთი საქციელი!

ჯილომეისალონის ეკლესიის დათვალიერების შემდეგ, რომელსაც აკლია გარეშემო აივანი, იატაკი და კედლების შეღებვა, მისი მეუფება ღამის გასათევად დარჩა ადგილობრივ მღვდელ ერმოლაოზ ანჯაფარიძის ოჯახში.

მარიამობისთვის 11 ნახულმა ეკლესიებმა მგეტად მძიმე შთაბეჭდილება მოახდინეს ყოველადსამღვდელოზე.

ნაროუს შტატის და ზედ მიწერილი ეკლესიები მთლად გაცივებული, მიწასთან გასწორებული და დანგრეულები არიან, ესენი ორივენი უნდა მთლად მოისპონ, რადგანაც სიმციარისა და სიღარიბის გამო პრეველს არასოდეს არ ექნება შეძლება მათი მოვლა-პატრონობისა.

აბედათის ეკლესია, როგორც ძველი დროის ნაშთი, საყურადღებოა, განსაკუთრებით თავისი ციხე-გალავნით და ძვირფასი წყაროთი,

რომელიც სიდიდით გელათის წყაროს არ ჩამორჩება, მაგრამ რის მაქნისია მისი გვარიანობა, როდესაც ხალხი დაშორებია მას თითქმის ათი ვერსის მანძილზე და ამიტომ უსარგებლოა მისთვის ჰირშიაც და ლხინშიაც. მარტო დღეობას, თხუთმეტ მარიამობას, თუ შეიკრიბება აქ ხალხი, თორემ უიმისოთ აქ კაცი არ გაიქაჭანებს. კარგი იქნება ისტორიული ნაშთს შესანახათ აქ მონასტერი რომ გაიმართებოდეს, მაგრამ ვინ მოგვცა ჩვენ ამის შეგნება და უნარი! დღეს ქართველი კაცი, რაც უნდა სათაკილო და დამამკირებელი ხელობა იყოს, თუ გაუჭირდა, ხელს მოჰკიდებს, მაგრამ მონასტერში კი არაფრის გულისთვის არ შევა, თუმცა მონასტერში შესვლა მას არსებობის ლუკმასაც მისცემს და მის არსებობასაც სასარგებლოდ გახდის.

N.

შემდეგი იქნება.



რედაქტორი მღვდელი სიმონ მკედილიძე
გამომცემელი იოსებ ლეჟავა.

განცხადება

„ძმობის“ სტამბაში ამ უამდ იბეჭდება და მოკლე დროში გამოვა გასასყიდათ წიგნები

„სინამდვილა სახარებოსა“
და უბის
„ვეფხვის ტყაოსანი“

ფასი თითოეული წიგნისა ეჭვი შური. დაკვეთა დღეიდანვე შეიძლება.